

UGOVOR O OSNIVANJU FONDA
po savjetu donatora (ili namjenski fond ili tematski fond)
između

Fondacije tuzlanske zajednice, Pozoršna 13, Tuzla
koju zastupa Jasna Jašarević, izvršna direktorica
(u daljnjem tekstu Fondacija),
i

_____ (osnivač fonda može biti grupa građana, jedno lice, organizacija...sa ovlaštenim predstavnikom koji će zastupati osnivača)

Predmet i trajanje Ugovora

1. Predmet ovog Ugovora je definisanje odnosa između Osnivača fonda i Fondacije koja pruža pravni okvir za upravljanje fondom.
2. Osnivači fonda udružuju svoje i donacije drugih donatora Dognja, osnivaju fond sa početnim iznosom od _____ KM (minalno 2000 KM godišnje).
3. Fondacija će prihvatati donacije u skladu sa Politikom o primanju poklona i u mogućnosti je da upravlja ovim Fondom, prema uvjetima iz ovog Ugovora.
4. Fond se osniva pod nazivom _____.
5. Ugovor se sklapa na period od _____ (minimalno tri godine) od dana potpisivanja uz mogućnost produženja. Fond može trajati i duže sve dok postoje sredstva u Fondu i dok je moguće ispuniti svrhu Fonda.

Svrha Fonda

6. Svrha osnivanja fonda da se udružene donacije usmjere na podršku društveno-korisnim projektima i za unaprijeđenje uslova življenja u _____ (npr. Tuzli, Srebreniku ili nešto konkretnije, npr. stanovnika naselja _____, itd).
7. Sredstva iz fonda se mogu izdavati udruženjima i građanskim grupama putem nepovratnih donacija/grantova u skladu sa Politikom o izdavanju grantova Fondacije tuzlanske zajednice (ovdje se može prilagoditi da se ne daju grantovi nego nego da se sredstva troše namjenski za jednu organizaciju, instituciju itd – sve prema želi donatora).
8. Osnivači fonda će svojim savjetima i preporukama učestvovati u selekciji korisnika i shodno tome imenovati najmanje tri člana Savjetodavne komisije za Fond (u daljem tekstu „Komisija – ovdje se može reći i da neće učestvovati u selekciji korisnika...)
9. Komisija će o distribuciji sredstava iz Fonda odlučivati najmanje 1 godišnje. U toku jedne fiskalne godine Fondacija po savjetu Komisije može distribuirati do 95 % sredstava iz fonda u bilo koje vrijeme za jedan ili više projekata za koje Komisija ocjeni da su najznačajniji za ostvarenje svrhe ovog fonda.
10. Distribucija grantova iz Fonda će se vršiti prema savjetima Komisije iz Članu 8. Sve donacije distribuirane iz ovog Fonda će priznati ovaj Fond kao izvor podrške.

Prava i obaveze Fondacije

11. Sredstva u Fondu su vlasništvo Fondacije i ona nemaju pravni subjektivitet. Upravni odbor Fondacije ima krajnju odgovornost za upravljanje fondovima i distribuciju donacija.
12. Fondacija će upravljati sredstvima Fonda, te pripisati prihod na ime dodatnih uplata u korist ovog Fonda u skladu sa Pravilnikom o upravljanju fondovima Fondacije.

13. Upravni odbor će pratiti distribuciju dogovorenog iznosa iz Fonda prema uslovima navedenim u Članu 6, kako bi isti bila u skladu sa važećim Pravilnikom o izdavanju grantova.
14. Fondacija će osigurati promociju fonda u dogovoru sa Osnivačima fonda, u skladu sa svojim mogućnostima uz naplatu troškova u visini od 2% od vrijednosti uplaćenih sredstava na godišnjem nivou.
15. Fondacija će Osnivačima fonda staviti na raspolaganje svoje mehanizme za doniranje u Fond, kao što su uplate donacija u gotovini, na bankovne račune, online darivanje, donacije u robi i uslugama.
16. Fondacija će dostaviti godišnji izvještaj Osnivačima fonda o stanju Fonda, uključujući informacije o primljenim donacijama, naplaćenim godišnjim naknadama, eventualno ostvarenoj kamati, te distribuiranim grantovima.
17. Računovodstvo i distribucija sredstava iz ovog Fonda će se voditi u okviru FTZ i odvojeno od drugih grantova i donacija Fondacije.
18. Fondacija će obezbijediti nezavisnu godišnju reviziju svog poslovanja.
19. Fondacija zadržava isključivo pravo i kontrolu nad investiranjem sredstava iz Fonda u skladu sa Pravilnikom o upravljanju fondovima i Politikom investiranja
20. Upravni odbor zadržava pravo da ne odobri preporuke Komisije i da predloži modifikaciju Člana 6 ukoliko se utvrdi da su ista u suprotnosti sa neprofitnim ciljevima i politikom Fondacije, te da ih nije moguće ispuniti iz bilo kojeg razloga ili nisu za opštedruštvenu korist.

Prava i obaveze Osnivača Fonda

21. Ovim Ugovorom Osnivači fonda nepovratno dodjeljuju Osnivački ulog Fondaciji. Osnivači fonda ne polažu lična prava nad sredstvima uplaćenim u korist ovog Fonda.
22. Osnivači fonda mogu animirati druge donatore sa istim filantropskim ciljevima da usmjere svoje donacije u Fond i uvećaju raspoloživi iznos u Fondu za distribuciju grantova iz Člana 6.
23. Osnivači fonda će odrediti kriterije za dodjelu grantova i upute za rad Komisije iz Člana 8. Osnivači fonda imaju obavezu da osiguraju kontinuitet fonda u ugovorenom periodu. Nakon isteka Ugovornog perioda Osnivači fonda imaju pravo da:
 - Produže Ugovor pod istim uvjetima ili u dogovoru sa Fondacijom dogovore nove uvjete.
 - Zatvore svoj Fond. U slučaju da je u fondu preostalo sredstava, Osnivači fonda imaju pravo da ista usmjere u neki od drugih fondova ili ih trajno zaduže za svrhu koju žele pri Fondaciji.
24. Osnivači fonda ili neka druga interesna strana vezana za osnivače (članovi porodice ili interesno preduzeće) ne mogu imati direktnu ličnu korist od donacija iz ovog Fonda.

Naknada za upravljanje fondom

25. Osnivači Fonda su saglasni da Fondacija naplati svoju uslugu upravljanja Fondom u iznosu od 5% sredstava iz Fonda u skladu sa Odlukom o naknadama za upravljanje fondovima. Sredstva će se koristiti za pokrivanje organizacionih, bankovnih i drugih troškova nastalih pri poslovima upravljanja fondom i distribucije grantova.
26. Naknada će se naplatiti iz sredstava Fonda na kraju fiskalne godine.

Završne odredbe

27. Ovaj Ugovor može biti po potrebi izmjenjen i usklađen sa eventualnim izmjenama odredbi Statuta i Pravilnika Fondacije, o čemu će Osnivači fonda biti pravovremeno obaviješteni.
28. U slučaju da se Osnivači fonda ne slažu sa nastalim izmjenama iz Člana 27, Osnivači fonda mogu zatvoriti fond u skladu sa Članom 23.

29. Ugovorne strane će poduzeti sve da se nesporazumi i neslaganja riješe dogovorom i na prijateljski način. U protivnom, nadležan je Sud u Tuzli.

30. Ugovorne strane su saglasne da se Ugovor sačini u dva primjerka, pri čemu svaka strana zadržava po jedan.

Fondacija tuzlanske zajednice

Osnivači fonda

Izvršni/a direktor/ica

Mjesto: _____

Mjesto: _____

Datum: _____

Datum: _____